

# Edu-pelancongan UPM ke peringkat antarabangsa

**E**DU-pelancongan UPM merupakan produk pelancongan beserta pendidikan di universiti di bawah jenama eDU-Park dan telah dibangunkan dengan kerjasama Tourism Malaysia serta Kementerian Pendidikan Tinggi.

eDU-PARK adalah salah satu bahagian Putra Science Park UPM yang merupakan satu program pelancongan pendidikan yang berdasarkan pengalaman secara pembelajaran di dalam kampus UPM yang melibatkan lapan lokasi tumpuan di UPM, Serdang yang berkeluasan 1,108 hektar.

Menurut Timbalan

Pengarah Bahagian Edu-Park Putra Science Park, **Prof. Madya Dr. Faridah Qamaruzzaman**, lokasi itu termasuk Galeri Serdang bertempat di Fakulti Reka bentuk dan Senibina, Muzium Warisan Melayu di Fakulti Bahasa Moden dan Komunikasi, Taman Konservatori di Institut Biosains,

Muzium Anatomi Manusia di Fakulti Perubatan dan Sains Kesihatan, Muzium Anatomi Haiwan di Fakulti veterinar, Ladang Tenusu, Ladang Rusa dan Pusat ekuin di Taman Pertanian Universiti.

“Kami telah bekerjasama dengan empat agensi pelancongan tempatan dan mendapat sokongan penuh daripada pihak Tourism Malaysia bagi memperkuat

dan memperkembangkan lagi kerjasama program berkaitan edu-pelancongan dan agri-pelancongan di UPM sebagai salah satu destinasi pelancongan domesti dan luar negara.

“Empat agensi itu adalah Mona Holidays Sdn. Bhd., Hijrah Nusrah travel &

Tours Sdn. Bhd., Permai Rantau Sdn. Bhd. dan Suria Excellence Travels & Tours Sdn. Bhd. yang mana UPM telah menandatangani memorandum Persefahaman (MoU) bagi memperkuuh kerjasama antara kedua-dua belah pihak,” katanya.

Jelasnya lagi, sebelum ini eDU-PARK telah menerima pengunjung dari pelbagai negara seperti Jepun, Korea Selatan, China, Thailand, Indonesia, India, Itali, Amerika Syarikat (AS) dan Australia.

Muzium Warisan Melayu merupakan salah satu pakej pelancongan unik dan pertama di Malaysia yang merupakan salah satu tarikan pengunjung luar negara untuk melihat sendiri sejarah dan inovasi warisan Melayu.

“Bilangan pengunjung juga telah meningkat dari semasa ke semasa. Pengunjung tempatan telah mencecah seramai lebih daripada 41 000 orang manakala antarabangsa seramai 3,756 orang.

“Kerjasama strategik ini bertujuan mempromosikan pakej-pakej pelancongan yang berkaitan ke pasaran tempatan dan antarbangsa bagi mewujudkan pasaran baru untuk mempromosikan aktiviti yang melibatkan pelancongan dan pelawat ke eDU-PARK,” katanya.



ANTARA manuskrip lama di Muzium Warisan Melayu di Fakulti Bahasa Moden dan Komunikasi Universiti Putra Malaysia (UPM), Serdang Selangor.



**DR. FARIDAH QAMARUZZAMAN**

## TAHUKAH ANDA

- Antara senjata Melayu lama yang sangat mengagumkan adalah istinggar atau senapang kancing sumbu iaitu senjata lama yang berasaskan mekanisme sumbu api.
- Senjata Melayu lama ini sangat terkenal pada zaman dahulu dan kehebatannya selalu disebut dalam penulisan serta catatan orang-orang Barat.
- Istantgar dipercayai telah mula digunakan orang Melayu sewaktu menentang Portugis di Melaka pada tahun 1511.
- Orang Melayu telah menggunakan senjata api dalam perperangan dan tidak hanya bergantung kepada keris, tombak, lembing dan parang semata-mata.



**MUZIUM Warisan Melayu di Fakulti Bahasa Moden dan Komunikasi Universiti Putra Malaysia (UPM).**